



Informativni bilten Općine Novo Sarajevo



IZDVAJAMO:

- **Strelište u Velešićima zvaće se po Vinku Šamarliću, a Sportska dvorana na Grbavici po Goranu Čengiću**
- **Obilježen 16. maj – Dan Općine Novo Sarajevo i Dan Pofaličke bitke**
- **Jednokratna novčana pomoć za penzionere sa najnižim penzijama**

Informativni bilten Općine Novo Sarajevo

OPĆINSKO VIJEĆE NOVO SARAJEVO: STRELIŠTE U VELEŠIĆIMA ZVAĆE SE PO VINKU ŠAMARLIĆU, A SPORTSKA DVORANA NA GRBAVICI PO GORANU ČENGIĆU

Peta redovna sjednica Općinskog vijeća Novo Sarajevo održana je putem on-line platforme u četvrtak 27. maja 2021. godine. Sjednicu je vodio predsjedavajući Općinskog vijeća Robert Pleše.

Na sjednici je usvojena Odluka o izmjeni Odluke o davanju naziva Sportskoj dvorani na Grbavici. Novi naziv je Sportska dvorana „Goran Čengiće“.

U obrazloženju Odluke, između ostalog, navedeno je da se na ovaj način želi odati počast sugrađaninu koji je svojom ljudskošću zadužio ovaj grad. Mlade generacije bi trebale da uče o njemu kada se neustrašivo pobunio protiv zločinca Veselina Vlahovića Batka stajući u zaštitu profesora Husnije Čerimagića. Goran Čengiće je, pored toga, bio i vrhunski sportista, rukometaš koji je bilježio dobre sportske rezultate širom biše Jugoslavije.

Ubuduće će i Zona sporta i rekreacije u obuhvatu Regulacionog plana „Velešići“ imati novi naziv – Centar za edukaciju, sport i rekreaciju „Vinko Šamarliće“. Navedenu Odluku o davanju naziva predložio je načelnik Općine Novo Sarajevo dr. Hasan Tanović, u znak sjećanja na istaknutog komandira Specijalne borbene jedinice sa činom kapetana i džudiste sarajevskog kluba JK „Željezničar“ s kojim je osvojio brojne medalje. Početkom opsade Sarajeva Vinko Šamarliće je bio borac u Specijalnoj jedinici Ministarstva unutrašnjih poslova Bosne i Hercegovine – Odred Bosna. Posthumno je odlikovan “Zlatnom policijskom zvijezdom”, “Medaljom za hrabrost” i “Ordenom zlatnog grba sa mačevima”. Šamarliće je poginuo 8. juna 1992. godine u odbrani naselja Hrasno Brdo, dan prije odlaska olimpijskog tima u Barcelonu, gdje je trebao nositi bh. zastavu na otvaranju Olimpijskih igara.

Vijećnici su podržali i Prijedlog Odluke o proglašenju udruženja „Obrazovanje gradi Bosnu i Hercegovinu“ od javnog interesa za Općinu Novo Sarajevo. Udruženje “Obrazovanje gradi Bosnu i Hercegovinu”, prepoznato je od strane Općine kao nevladina organizacija koja pruža dodatnu podršku obrazovnom i humanitarnom djelovanju u državi Bosni i Hercegovini, a čije je sjedište na području Općine. U povodu obilježavanja Dana Općine Novo Sarajevo – 16.05.2021. godine, u kategoriji kolektiva, Zlatna plaketa pripala je ovom Udruženju za iskazane rezultate postignute u moralnoj i materijalnoj podršci djeci, mladima i njihovim roditeljima u BiH. Udruženje “Obrazovanje gradi Bosnu i Hercegovinu”, osnovano je 1994. godine i nikada nije prestalo sa radom, svoje programske ciljeve i misiju, ostvaruje na području cijele države Bosne i Hercegovine. Usvojen je i Zaključak kojim se predlaže da Gradsko vijeće kao i sva ostala općinska vijeća razmotre mogućnost predlaganja Udruženja „Obrazovanje gradi BiH“ kao Udruženje od značaja.

The screenshot shows a Zoom meeting interface. The main window displays a grid of 20 participants in a 4x5 layout. The participants are: Row 1: press (Ma), Predsjedavajući, Nedim Salihagić, Adnan Zeković, Ahmed Kosovac; Row 2: Alma Čengiće, Anesa Karaselimovic, Armin Handžar SDP BiH, Arijana Talovic, Arslan Dučić; Row 3: Dzenana, Edhem Imamović, edin rovcenin, Elvedin Cernica, elvedin korora; Row 4: Elvedina Vugic, Emir Rustempasic, Hamid Bahto, Harki, Hazim; Row 5: IT (Huzi), Majda Kalamujic, Marijela, a location icon, and Marijela. On the right side, there is a 'Participants (37)' list with search and icons for Ahmed Kosovac, Alma Čengiće, Anesa Karaselimovic, and Arijana Talovic. Below that is a 'Polling' section with a question: 'Molim da se izjasnite o prijedlogu Općinskog načelnika da se u dnevni red uvrsti član 15. tarka Prijedlog Odluke o davanju naziva Zoni sporta i rekreacije u obuhvatu Regulacionog plana "Velešići" a da se ostale predložene tačke pomaknu za jedno mjesto niže'. The poll options are: A. Za, B. Protiv, C. Suzdržan. The poll shows 'Time elapsed: 1:24' and 'Time limit: 2:00'. At the bottom, there are controls for 'Unmute', 'Start video', 'Share', and 'Chat'.

Informativni bilten Općine Novo Sarajevo

Na sjednici je usvojena Odluka o pristupanju izradi izmjena i dopuna Statuta Općine Novo Sarajevo. Razmatrana je i usvojena Odluka o utvrđivanju visine sredstava za sufinansiranje boračkih udruženja sa statusom od posebnog interesa i društvenog značaja za Općinu Novo Sarajevo za 2021. godinu. Podržan je i Prijedlog Odluke o izmjeni Odluke o osnivanju Komisije za ljudska prava, slobode i rodnu ravnopravnost.

Podršku su dobili Prijedlog Odluke o izmjenama i dopunama Odluke o privremenom korištenju javnih površina na području Općine Novo Sarajevo, kao i Prijedlog Odluke o izmjeni Odluke o privremenom umanjenju mjesečnih naknada za zakup poslovnih prostora i naknada za privremeno korištenje javnih površina na području Općine Novo Sarajevo kojom se utvrđuju uslovi i način umanjenja zakupa do 31.08.2021. godine kao mjera ublažavanja negativnih posljedica uzrokovanih korona virusom COVID-19. Usvojena je i Odluka o izmjeni i dopuni Odluke o dodjeli u zakup poslovnih prostorija Općine Novo Sarajevo.

Odlukom o izmjeni Odluke o verifikaciji mandata članovima savjeta mjesnih zajednica na području Općine Novo Sarajevo član Savjeta u MZ „Trg heroja“ Samir Avdić zamjenjuje se sa novom članicom Džemilom Šišić i u MZ „Pofalići“ član savjeta Jasmin Karić zamjenjuje se novim članom Izudinom Panjetom.

Na sjednici je usvojen Prijedlog Odluke o razrješenju vršilaca dužnosti predsjednika i članova Nadzornog odbora Javnog preduzeća za upravljanje i održavanje objekata u vlasništvu Općine Novo Sarajevo „ONSA“ d.o.o. Sarajevo. Podržani su i Prijedlog Odluke o razrješenju vršilaca dužnosti članova Skupštine Javnog preduzeća za upravljanje i održavanje objekata u vlasništvu Općine Novo Sarajevo „ONSA“ d.o.o. Sarajevo, kao i Prijedlog Odluke o izmjeni Odluke o imenovanju vršilaca dužnosti predsjednika i članova Skupštine Javnog preduzeća za upravljanje i održavanje objekata u vlasništvu Općine Novo Sarajevo „ONSA“ d.o.o. Sarajevo.

Vijećnici su razmatrali i slijedeće informacije:

- Informacija o provedbi Plana zaštite od požara za područje Općine Novo Sarajevo, za 2020. godinu,
- Informacija o stanju saobraćaja u mirovanju na području općine Novo Sarajevo, sa prijedlogom mjera za rješavanje,
- Informacija KJKP „Rad“ o stanju komunalne higijene na području Općine Novo Sarajevo, sa posebnim osvrtom na stanje u MZ, uz prijedlog mjera za poboljšanje i
- Informacija o radu Službe socijalne zaštite općine Novo Sarajevo za 2020. godinu.

UPRILIČENA PROMOCIJA ODABRANIH RADOVA UČESNIKA KONKURSA ZA IZRADU IDEJNOG RJEŠENJA SPORTSKO-REKREATIVNE ZONE „VELEŠIĆI“



U Međunarodnom centru za djecu i omladinu Novo Sarajevo u četvrtak, 20. maja ove godine održana je zvanična promocija odabranih radova učesnika Konkursa za izradu Idejnog arhitektonsko-urbanističkog i pejzažnog rješenja Sportsko-rekreativne zone „Velešići“.

Radi se o jednom od kapitalnih projekata Općine Novo Sarajevo čijom realizacijom će građani Novog Sarajeva i Sarajeva dobiti jedan novi gradski park, odnosno novu oazu za odmor i rekreaciju.

Općina Novo Sarajevo je u prethodnom periodu raspisala konkursnu dokumentaciju za izradu pomenutog Idejnog rješenja za cijeli predmetni obuhvat usklađen sa „Regulacionim planom Velešići“ sa ciljem dobijanja kvalitetnog idejnog rješenja, koje treba da u prostornom, ambijentalnom, vizuelnom i funkcionalnom smislu stvori ugodan prostor za sve buduće korisnike sa svim karakteristikama gradskog parka.

Informativni bilten Općine Novo Sarajevo

Na današnjoj prezentaciji idejnih rješenja prisustvovali su, između ostalih, načelnik Općine Novo Sarajevo dr. Hasan Tanović sa saradnicima, predsjedavajući Općinskog vijeća Robert Pleše, zamjenik predsjedavajućeg Općinskog vijeća Nijaz Džaka, vijećnici, članovi Asocijacije arhitekata BiH, članovi konkursne Komisije, te članovi Tima za izradu projektnog zadatka Općine.

Nakon okončanja konkursne procedure stručna Komisija je odabrala i nagradila tri rada, odnosno dodijeljene su dvije treće nagrade i jedna druga nagrada.



Treću nagradu za svoj rad dobio je Mirza Muhasilović. Treću nagradu, također dobili su i autori Asmir Šabić i Zulejha Šabić Zatrić, dok je druga nagrada pripala autorima Ani Virijević i Petru Arsiću.

Prisutnim gostima obratili su se predsjednik konkursne Komisije Amir Vuk Zec, zatim član Komisije Stjepan Roš, te Dženita Mesić ispred općinskog Tima za izradu projektnog zadatka, nakon čega su autori odabranih radova prezentirali svoja idejna rješenja.

Općinski načelnik dr. Hasan Tanović potom je potpisao ugovore sa autorima o isplati nagrade i pravima na korištenje autorskog djela za potrebe Općine Novo Sarajevo. Odabrana idejna rješenja poslužit će kao smjernice za dalje planiranje i izgradnju predmetnog lokaliteta, a koja će se zbog svoje kompleksnosti provoditi fazno.

UPRILIČEN PRIJEM ZA 14 NAJBOLJIH STIPENDISTA OD 698 UČENIKA I STUDENATA ZA KOJE JE OPĆINA NOVO SARAJEVO OVE GODINE OBEZBIJEDILA STIPENDIJE

U zgradi Općine Novo Sarajevo upriličen je prijem za 14 najboljih učenika i studenata koji su ostvarili pravo na stipendiju za školsku 2020/2021. godinu.

Ove godine Općina je obezbijedila ukupno 698 stipendija i to za 349 učenika srednjih škola i 349 studenata, za šta je u Budžetu za 2021. godinu izdvojeno 619.300,00 KM.

Općinski načelnik dr. Hasan Tanović u svom obraćanju istakao je da je ove godine dodijeljeno 111 stipendija više u odnosu na prethodnu godinu, što jasno ukazuje na ciljeve i opredjeljenja kada je ova oblast u pitanju.



– Općina više od deset godina dodjeljuje stipendije učenicima i redovnim studentima i to je praksa koja će se nastaviti i u narednom periodu, a svake godine ćemo se truditi da obezbijedimo što više stipendija, jer ulaganje u znanje, obrazovanje i mlade je jedna od naših prioriteta, istakao je načelnik te čestitao svim dobitnicima stipendija na ostvarenim uspjesima.

Informativni bilten Općine Novo Sarajevo



Ključni kriteriji za odabir korisnika stipendija je da učenik ili student ima prebivalište na području Općine Novo Sarajevo, da ima odgovarajući prosjek ocjena, te da ne prima stipendiju iz drugog izvora.

Student I godine II ciklusa Fakulteta za saobraćaj i komunikacije – Odsjek zrakoplovni saobraćaj, Džubur Damir zahvalio se Općinskom načelniku na podršci koju ova Općina pruža studentima jer, kako navodi, samo kao akademski obrazovani građani ove Općine kvalitetno mogu doprinijeti razvoju kako svoje lokalne zajednice, tako i države BiH.

Pored 698 stipendija za učenike i redovne studente, ove godine Općina je dodijelila stipendije i za 38 djece bez oba roditelja, a koji se nalaze na redovnom školovanju, što je ukupno 736 stipendija.

JEDNOKRATNA NOVČANA POMOĆ ZA PENZIONERE SA NAJNIŽIM PENZIJAMA

Svi penzioneri koji su korisnici najnižih penzija sa mjestom prebivališta na području Općine Novo Sarajevo dobit će jednokratnu novčanu pomoć u iznosu od 50 KM. Sredstva će biti doznačena putem Federalnog zavoda za PIO/MIO na osnovu evidencije korisnika najnižih penzija i biće isplaćena uz majsku penziju.

Ukupan broj penzionera sa područja Općine Novo Sarajevo je oko 15.000. Od toga, korisnika najniže penzije je oko 5.300 i iznos koji primaju je 382,18 KM.

Ovim povodom, održan je sastanak načelnika Općine Novo Sarajevo dr. Hasana Tanovića i pomoćnice direktora Federalnog zavoda za PIO/MIO Envere Kudić. Prethodno je potpisan Sporazum o načinu isplate jednokratnih novčanih pomoći najugroženijim penzionerima sa područja Općine Novo Sarajevo čime su se stekli uslovi za isplatu sredstava u junu.

Općina Novo Sarajevo obezbijedila je Budžetom za 2021. godinu za ove namjene sredstva u iznosu od 270.000 KM pokazujući i na ovaj način brigu o penzionerima, kao posebno ugroženoj kategoriji stanovnika.

OPĆINA NOVO SARAJEVO IZABRANA KAO PRIMJER LIDERSKE JEDINICE LOKALNE SAMOUPRAVE U BIH

U okviru projekta „Podrška pripreme za implementaciju Ciljeva održivog razvoja (SDGs) i angažovanje privatnog sektora“, kojeg provodi Razvojni program Ujedinjenih naroda u BiH (UNDP) u 2021. godini planirana je dodjela priznanja onim Jedinicama lokalne samouprave koje su pružile kvalitetan odgovor na COVID-19, dizajnirajući i realizirajući mjere ekonomskog oporavka i podrške privatnom sektoru. Služba za upravljanje lokalnim razvojem dobila je 23.04.2021. godine poziv za učešće u projektu budući da je Općina prepoznata od strane UNDP-a kroz inicijalni pregled mjera koje su se provodile u prethodnom periodu i postala jedan od kandidata za SDG nagradu u 2021. godini.

Sa ciljem finalnog rangiranja odabranih JLS, svi traženi podaci i dokumentacija dostavljeni su do 3.5.2021. godine, putem linka: <https://www.surveymonkey.com/r/mjere-ekonomskog-oporavka>.

U skladu sa zahtjevom dostavljena su i obrazloženja uz popratnu dokumentaciju o mjerama za podršku privatnom sektoru u periodu 2020.-2021. godine usklađenim sa strateškim ciljevima JLS i održivim razvojem.

Dana 24.05.2021. godine, obaviješteni smo da je **Općina Novo Sarajevo izabrana kao primjer leaderske Jedinice lokalne samouprave u BiH. Priznanje „SDG nagrada za jedinice lokalne samouprave u Bosni i Hercegovini“ biće uručeno na ceremoniji „Nagrade za biznis lidere“ planiranoj za 01. juli 2021. godine.**

Informativni bilten Općine Novo Sarajevo

REALIZACIJA PROJEKTA „IMPAKT INKUBATOR POSLOVNIH IDEJA 2021“ NAMIJENJEN RAZVOJU PODUZETNIŠTVA NA PODRUČJU OPĆINE NOVO SARAJEVO



U zgradi Općine Novo Sarajevo u srijedu, 5. maja ove godine Općinski načelnik dr. Hasan Tanović i izvršni direktor Fondacije IMPKAT Senajid Đozo potpisali su Ugovor o partnerstvu u okviru realizacije projekta „Impakt inkubator poslovnih ideja 2021“.

Navedeni projekat podrazumijeva pružanje podrške preduzetništvu i razvoj preduzetničkog okruženja s ciljem stimulisanja potencijalnih preduzetnika na pokretanje poslovnih poduhvata na području Općine Novo Sarajevo.

Projekat će obuhvatiti program preduzetničke obuke za 25

učesnika sa područja Novog Sarajeva, te stručnu, mentorsku i bespovratnu finansijsku podršku od po 5.000,00 KM za pet novih poslovnih poduhvata.

Općinski načelnik dr. Hasan Tanović istakao je da se realizacijom ovog projekta i udruživanjem finansijskih sredstava omogućiti konkretna podrška preduzetnicima prilikom pokretanja individualnih poslovnih poduhvata, kroz sve faze razvoja biznisa, uključujući i stručnu i finansijsku komponentu.

Ciljne skupine programa su nezaposlena lica, zaposleni koji žele da pokrenu vlastiti posao, organizacije civilnog društva zainteresovane za angažman u oblasti socijalnog preduzetništva i vlasnici postojećeg biznisa koji je registrovan do 12 mjeseci od objave javnog poziva sa područja Općine zainteresovani za razvoj preduzetničkih vještina i realizaciju poslovne ideje o proširenju poslovanja.

Ukupna vrijednost projekta je 45.000,00 KM od čega Općina Novo Sarajevo u okviru Programa aktivne politike zapošljavanja i unapređenja poslovnog okruženja sufinansira sa sredstvima u iznosu 20.000,00 KM.

Impakt inkubator poslovnih ideja realizuje se uz podršku Švicarske agencije za razvoj i saradnju, a realizacija Programa je planirana od maja 2021. do marta 2022. godine.

POTPISAN SPORAZUM O REALIZACIJI PROJEKATA VODOSNABDIJAVANJA I ODVODNJE OTPADNIH VODA U OPĆINAMA NOVO SARAJEVO, CENTAR I NOVI GRAD

Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo Enver Hadžiahmetović u ponedjeljak, 24. maja ove godine potpisao je sporazume sa općinama Centar, Novi Grad i Novo Sarajevo, te Zavodom za izgradnju KS, o zajedničkom učešću u realizaciji projekata vodosnabdijevanja i odvodnje otpadnih voda.

Na području ovih općina predviđena je realizacija šest projekata, po dva u svakoj općini, prema prioritetima za 2021. godinu.

Općina Novo Sarajevo prijavila je dva projekta za sufinansiranje iz oblasti vodosnabdijevanja i odvodnje otpadnih voda na području Kantona Sarajevo i to projekat izgradnje vodovodne mreže u dijelu ulica Ruđera Boškovića – Humska, te projekat izgradnje kanalizacionih i vodovodnih mreža u ulici Petra Sinana Šaina.

Informativni bilten Općine Novo Sarajevo

Za projekat izgradnje vodovodne mreže u dijelu ulica Ruđera Boškovića – Humska odobrena su sredstva u iznosu od 42.000 KM budući da se radi o oknačanju realizacije projekta.

Za realizaciju projekta izgradnje kanalizacionih i vodovodnih mreža u ulici Petra Sinana Šaina odobrena sredstva u iznosu od 490.000,00 KM. Radi se o projektu koji podrazumijevaja ugradnju vodovodnih cijevi DN 100 u dužini od 200 metara, te kanalizacionih (separatna kanalizacija) DN 300 ukupno 600 metara, kao i izradu i prebacivanje priključaka. Ukupna vrijednost projekta je 600.000 KM, a ostatak sredstava planiran je u Budžetu Općine za 2021. godinu.

Programom utroška sredstava Ministarstva komunalne privrede, infrastrukture, prostornog uređenja, građenja i zaštite okoliša KS, za objekte vodosnabdijevanja i odvodnju otpadnih voda u 2021. godini planirana su sredstva u ukupnom iznosu od 6.005.518 KM. Navedena sredstva namijenjena su za realizaciju ukupno 30 projekata ove vrste, i to na području svih devet općina Kantona Sarajevo.

Sporazumima je predviđeno i da stručno-tehnički nadzor nad izvođenjem radova u okviru svih ovih projekata provodi Zavod za izgradnju Kantona Sarajevo.

DOGOVORENE KONKRETNE AKTIVNOSTI NA RJEŠAVANJU PROBLEMA ODVOZA OTPADA NA PODRUČJU OPĆINE NOVO SARAJEVO

Nakon svakodnevnih poziva i urgencija građana, a na inicijativu načelnika Općine Novo Sarajevo dr. Hasana Tanovića u zgradi Općine održan je radno-konsultativni sastanak sa direktoricom KJKP „Rad“ Verom Arnautović i saradnicima. Na sastanku je prisustvovao i predsjedavajući Općinskog vijeća Novo Sarajevo Robert Pleše.

Tom prilikom, iz KJKP „Rad“ naveli su da je prethodnih godina nabavljen veći broj zvana za odlaganje otpada, kako na području općine Novo Sarajevo, tako i na području Kantona, a za čije praznjene su potrebna specijalizirana vozila. U više navrata je tada bilo sugerisano da ovo preduzeće ima samo dva specijalizirana vozila za ove namjene a koji se koriste za cijelo područje Kantona Sarajevo, te kada dođe do kvara jednog vozila dolazi do kolapsa.

Na sastanku je dogovoreno da se u što skorije vrijeme organizuje zajednički sastanak sa predstavnicima Ministarstva komunalne privrede i infrastrukture KS, predstavnika KJKP „Rad“ i općinskih načelnika sa područja Kantona Sarajevo u cilju iznalaženja mogućosti nabavke dodatna dva specializirana vozila za odvoz otpada, a u čijoj nabavci će učestvovati sve zainteresovane strane.

SADNJOM NOVIH STABALA U NOVOM SARAJEVU NASTAVLJENE AKTIVNOSTI U OKVIRU „INICIJATIVE ZA ZELENIJU I ODRŽIVU BUDUĆNOST“

Ambasador Švicarske u Bosni i Hercegovini Daniel Hunn, načelnik Općine Novo Sarajevo dr. Hasan Tanović izamjenik rezidentne predstavnice UNDP-a u BiH, Sukhrob Khoshmukhamedov u srijedu, 5. maja ove godine na području Novog Sarajeva simbolično su posadili sadnice crvenolisnog javora kako bi obilježili svoju predanost „Inicijativi za zeleniju i održivu budućnost“ (GoGreen Initiative).

Općina Novo Sarajevo je u okviru UNDP -ove „Inicijative za zeleniju i održivu budućnost“ ove godine planirala posaditi najmanje 1.000 sadnica na području ove lokalne zajednice, od čega će Švicarska sufinancirati 300 sadnica kroz Projekat integriranog lokalnog razvoja – ILDP (zajednički projekt Vlade Švicarske i Razvojnog programa Ujedinjenih nacija u BiH).



Informativni bilten Općine Novo Sarajevo



„Švicarska je dugogodišnji partner Općine Novo Sarajevo u području lokalne uprave, zdravstva i zapošljavanja mladih, doprinoseći kontinuiranom poboljšanju kvaliteta života u općini. Podrška Inicijativi za zeleniju i održivu budućnost je dio ovih napora. Sretan sam što se pridružujemo načelniku Tanoviću u ozelenjavanju Novog Sarajeva sa 1.000 stabala kao dio naše posvećenosti zaštiti okoliša“, istakao je ovim povodom Daniel Hunn, ambasador Švicarske u BiH. Cilj „Inicijative za zeleniju i održivu budućnost“ u 2021. godini je sadnja 40.000 sadnica angažiranjem do 40 jedinica lokalne samouprave širom Bosne i Hercegovine da učestvuju u ovom poduhvatu.

U svom obraćanju za medije Općinski načelnik dr. Hasan Tanović istakao je da Općina Novo Sarajevo u okviru ove Inicijative planira ove godine zasaditi najmanje 1.000 sadnica, što je oko 400 sadnica više nego prošle godine.

“Pored navedenog, ove godine ćemo zasaditi više od 8.000 sadnica žive ograde i 1.600 sadnica ukrasnog bilja u okviru naših redovnih aktivnosti“, istakao je načelnik Tanović.

Ovom inicijativom nastoji se odgovoriti na problem zagađenja vazduha, tla i vode. „Podrška UNDP-a vlastima u Bosni i Hercegovini u oblasti klimatskih promjena i otpornosti na katastrofe je u skladu sa tri važna globalna sporazuma: Pariškim sporazumom o klimatskim promjenama, Sendai okvirom za smanjenje rizika od katastrofa i Programom održivog razvoja do 2030. godine“, izjavio je Sukhrob Khoshmukhamedov, zamjenik rezidentne predstavice UNDP-a u BiH.

Aktivnosti poput sadnje drveća mogu imati značajan uticaj ukoliko se poduzimaju redovno i većem obimu. Drveće sprječava klizišta i eroziju tla, smanjuje rizik od poplava, obogaćuje vazduh, pomaže u borbi protiv klimatskih promjena. Sadnice će biti zasađene u gradskim parkovima, na dječijim igralištima, šetalištima, izletištima, dvorištima škola, vrtića, bolnica i javnih ustanova, obalama rijeka, industrijskim zonama i drugim lokacijama.

INTENZIVIRANE AKTIVNOSTI NA ODRŽAVANJU ZELENIH POVRŠINA NA PODRUČJU OPĆINE NOVO SARAJEVO

U cilju unapređenja održavanja, očuvanja i zaštite zelenih površina na području Općine Novo Sarajevo Općinski načelnik dr. Hasan Tanović održao je sastanak sa v.d. direktorom KJKP „Park“ Adisom Bešlićem i Adnanom Čustovićem, izvršnim direktorom za proizvodnju, inženjering i kapitalne investicije. Predstavnici KJKP „Park“ predstavili su aktivnosti koje su do sada provedene na području ove Općine, te planove za naredni period, posebno ističući aktivnosti tokom trajanja Velike akcije proljetnog čišćenja i uređenja površina u Kantonu Sarajevo, kao i akcije proljetnog ukrašavanja sarajevskih zelenih površina novim sezonskim cvijećem.



Posebnu zainteresovanost ovo preduzeće je iskazalo kada je u pitanju intenziviranje aktivnosti na uređenju lokaliteta Park – šume Hum, kao i prostora Spomen – parka Vraca, budući da se radi o značajnim lokacijama kako za Općinu Novo Sarajevo, tako i za grad.

Tim povodom, dogovoreno je da se organizira zajednički sastanak svih zainteresiranih strana kako bi se precizirali dalji koraci za realizaciju aktivnosti na uređenju pomenutih lokaliteta.

Općinski načelnik dr. Tanović iskazao je potrebu da se poduzmu sve potrebne mjere i radnje kako bi se intenziviralo održavanje Vilsonovog šetališta kada je u pitanju pražnjenje korpi za otpatke, zatim održavanje dječijih i sportskih igrališta, kao i uređenje zelenih površina uz glavne gradske saobraćajnice.

Informativni bilten Općine Novo Sarajevo

NA SVEČANOJ SJEDNICI OPĆINSKOG VIJEĆA NOVO SARAJEVO URUČENA PRESTIŽNA OPĆINSKA PRIZNANJA POJEDINCIMA I KOLEKTIVIMA ZA 2020. GODINU



U Međunarodnom centru za djecu i omladinu Novo Sarajevo u povodu 16. maja, Dana Općine Novo Sarajevo, održana je Svečana sjednica Općinskog vijeća Novo Sarajevo.

Svečanu sjednicu otvorio je predsjedavajući Općinskog vijeća Novo Sarajevo Robert Pleše. Vijećnicima i gostima potom se obratio Općinski načelnik dr. Hasan Tanović, koji je na početku sjednice pozvao prisutne da učenjem Fatihe, minutom šutnje i na drugi prigodan način odaju počast svim šehidima i poginulim boracima, te građanima koji su tokom pandemije koronavirusa izgubili svoje živote.

U svom obraćanju načelnik je podsjetio na značaj Pofaličke bitke koja se odigrala prije 29 godina i bila

jedna od ključnih bitaka za odbranu Općine Novo Sarajevo, Sarajeva i Bosne i Hercegovine, zbog čega je delegacija Općine ove sedmice obišla sva mezarja i groblja na području Kantona Sarajevo.

– Zasigurno ćemo mi imati drugačiji odnos prema šehidima, poginulim borcima i njihovim porodicama, jer nije dovoljno da se njih sjećamo samo kada se obilježavaju značajni datumi, naša je obaveza i dužnost da na njih mislimo podjednako tokom čitave godine. Uvjeren sam da zajedničkim zalaganjem i saradnjom svih nas, Općinskog vijeća mjesnih zajednica, gradskih i kantonalnih vlasti, a prije svega naših sugrađana, planirani ciljevi i programi će se sistemski i ostvarivati, bez obzira na brojne izazove i prepreke s kojima se susrećemo svakodnevno, istakao je načelnik dr. Tanović, te čestitao svim dobitnicima općinskih priznanja i zahvalio svima onima koji su u proteklom periodu predano radili na napretku Općine.

Na svečanoj sjednici uručena su i najveća priznanja Općine Novo Sarajevo za prethodnu 2020. godinu.

Zlatna plaketa Općine pripala je Komar Muhamedu-posthumno, policijskom službeniku III Policijske uprave koji je preminuo od posljedica koronavirusa, a koji j predano obavljao svoju dužnost do 53. godine života.

Zlatna plaketa u kategoriji pojedinaca pripala je Din Ammar Tolju za rezultate postignute u oblasti akademskih dostignuća. Kao učenik IV razreda osvojio je “zlatu” na državnom takmičenju iz matematike u Velikoj Britaniji, te je primljen sa punom stipendijom na Yale Univerzitet u SAD-u za akademsku 2025. godinu.

U kategoriji kolektiva, Zlatna plaketa pripala je Udruženju “Obrazovanje gradi BiH” za rezultate postignute u moralnoj i materijalnoj podršci djeci, mladima i njihovim roditeljima u BiH.

Srebrna plaketa u kategoriji pojedinaca otišla je u ruke Mustafe Hodžića, za rezultate postignute u oblasti sporta i obrazovanja, dok je u kategoriji kolektiva Srebrna plaketa Općine pripala Omladinskom košarkaškom klubu “Spars 05” za rezultate postignute u oblasti sporta.



Zahvalnice Općine Novo Sarajevo dodijeljene su “ECO MEDIC” Sarajevo za rezultate postignute u radu i aktivnosti za vrijeme pandemije koronavirusa, zatim Trećoj gimnaziji Sarajevo za rezultate postignute iz oblasti odgojno-obrazovnog rada, te Judo klubu “Olimp” Sarajevo za rezultate postignute u oblasti sporta.

Na kraju Svečane sjednice Općinskog vijeća zahvalnicu i prigodan poklon za podršku u radu Općinskom vijeću dodijelilo je Udruženje “1. Slavna Viteška brigada” Sarajevo.

Informativni bilten Općine Novo Sarajevo

POLAGANJEM CVIJEĆA NA MEZARJA I SPOMEN – OBILJEŽJA POČELO OBILJEŽAVANJE 16. MAJA – DANA OPĆINE NOVO SARAJEVO



Obilježavanje 16. maja – Dana Općine Novo Sarajevo počelo je u utorak, 11. maja polaganjem cvijeća i odavanjem počasti na mezarja i groblja na području Kantona Sarajevo.

Tim povodom, delegacija Općine Novo Sarajevo koju je predvodio Općinski načelnik dr. Hasan Tanović i predsjedavajući Općinskog vijeća Novo Sarajevo Robert Pleše odali su počast na mezarju Kovači, Ali-pašinoj džamiji, Aleji veterana, Spomen – parku Vraca, Spomen – obilježju Gornji Kovačići, Spomen -obilježju djeci ubijenoj u opkoljenom Sarajevu, groblju Lav, mezarju Stadion, groblju Sveti Josip, groblju Sveti Marko, mezarju Buča potok.

Zajedno sa delegacijom Općine Novo Sarajevo počast su odali i predstavnici boračkih udruženja, vijećnici Općinskog vijeća i porodice šehida i poginulih boraca.

OBILJEŽEN 16. MAJ – DAN OPĆINE NOVO SARAJEVO I DAN POFALIĆKE BITKE

Obilježavanja Dana Općine Novo Sarajevo, 16. maja ove godine počelo je sadnjom novih sadnica stabala u naselju Čengić Vila u ulici Džemala Bijedića – ispred zgrade “Stometarka”. Sadnice su posadili Općinski načelnik dr.

Hasan Tanović, predsjedavajući Općinskog vijeća Robert Pleše zajedno sa vijećnicima. Današnja sadnja predstavlja i početak značajne ekološke akcije ozelenjavanja Općine koja će trajati cijelu godinu i više, sa ciljem da se motivišu svi građani općine Novo Sarajevo da daju svoj doprinos za zeleniju općinu i naselja u kojima žive sadnjom novih sadnica.

Povodom Dana Općine i Dana Pofalićke bitke, delegacija Općine Novo Sarajevo predvođena Općinskim načelnikom dr. Hasanom Tanovićem i predsjedavajućim Općinskog vijeća Robertom Plešom zajedno sa vijećnicima,

predstavnicima boračkih udruženja, članovima porodicama šehida i poginulih boraca i građanima, odala je počast i položila cvijeće na spomen – obilježjima Velešići i Pofalići.





Na spomen – obilježju u Pofalićima prisutnim gostima, saborcima i porodicama palih boraca obratio se općinski načelnik dr. Tanović ukazavši na važnost ovog značajnog historijskog datuma budući da se na taj dan odigrala jedna od najznačajnijih bitaka za odbranu općine Novo Sarajevo, Sarajeva i Bosne i Hercegovine.

– Na današnji dan trebamo se prisjetiti svih šehida i poginulih boraca, njihovih porodica, kao i svih naših saboraca koji su branili našu općinu i grad. Trebamo istinu čuvati od zaborava, te prenositi je daljim naraštajima kako se nikada ne bi zaboravilo ono što se desilo, istakao je načelnik.


Prisutnima su se u povodu 29. godišnjice Pofalićke bitke kratko obratili i učesnici slavne bitke Cero Mehemed i Jusuf Lošić.

Cvijeće povodom Dana Općine položeno i na mjestu pogibije članova porodice Bibić u Velešićima. Na današnji dan 1992. godine ubijeno je šest članova porodica Bibić i Mekić. Ubijen je Amar Bibić, beba koja nije imala ni godinu dana i njegova majka Biba. Damir Mekić koji nije imao ni četiri godine, njegova majka Munira, te Dišija Bibić i Fehma Bibić. Cvijeće na spomen – ploči u dvorištu kuće Bibića položila je i delegacija Grada Sarajeva.

Polaganjem cvijeća i odavanjem počasti šehidima i poginulim borcima na Spomen obilježju Pofalići, te spomen-panou u prostorijama MZ “Pofalići I” i Pofalići II” obilježen je i Dan ovih novosarajevskih mjesnih zajednica. Tim povodom, održana je i sjednica savjeta ovih mjesnih zajednica na kojoj je prisustvovala i delegacija Općine Novo Sarajevo.

Općinski načelnik dr. Hasan Tanović sa saradnicima obišao je i dvije porodice šehida s područja naselja Pofalići, porodicu Krako i Koštreba, učesnika Pofalićke bitke, povodom 16. maja kako bi i na ovaj način odali počast hrabrim herojima i izrazili poštovanje njihovim porodicama.

Obilježavanje Dana Općine Novo Sarajevo, 29. godišnjice Pofalićke bitke i Dana mjesnih zajednica “Pofalići I” i “Pofalići II” održano je uz pridržavanje svih higijensko–epidemioloških mjera.



Informativni bilten Općine Novo Sarajevo

U MEMORIJALNOM CENTRU NOVO SARAJEVO ORGANIZOVAN PRIJEM ZA PORODICE ŠEHIDA I POGINULIH BORACA

U Memorijalnom centru „Novo Sarajevo” 12. maja ove godine, upriličen je prijem za porodice šehida i poginulih boraca sa područja Općine Novo Sarajevo.

Prijem je organizovan u povodu 16. maja – Dana Općine Novo Sarajevo i Dana šehida koji se obilježava drugog dana ramazanskog Bajrama.

Općina Novo Sarajevo svake godine organizira prijem za 100 porodica šehida i poginulih boraca sa ciljem da se pokaže briga ove lokalne zajednice za ove porodice, te dodijeli skromna hedija kao mali znak pažnje za predstojeće praznike.

Zbog epidemiološke situacije, ove godine prijem je upriličen za 20 porodica, dok će preostale porodice svoje hedije preuzeti u Službi za boračko – invalidsku zaštitu.

Članovi porodica šehida i poginulih boraca zahvalili su se Općinskom načelniku i Općini Novo Sarajevo što ne zaboravljaju sve one koji su dali svoj život u odbrani od agresije na BiH.

Ovogodišnji prijem organizovan je uz poštivanje svih higijensko-epidemioloških mjera.



DODIJELJENE STIPENDIJE ZA 38 DJECE BEZ OBA RODITELJA



Načelnik Općine Novo Sarajevo dr. Hasan Tanović u ponedjeljak, 10. maja ove godine uručio je stipendije djeci bez oba roditelja sa područja Općine Novo Sarajevo koja se nalaze na redovnom školovanju, a na evidenciji su Centra za socijalni rad-Službe socijalne zaštite Novo Sarajevo i nadležnih općinskih službi.

Zbog epidemioloških mjera danas je u Memorijalnom centru na Trgu heroja upriličen prijem za 15 učenika i studenata, dok će se preostaloj djeci stipendije dodijeliti putem Službe za boračko – invalidsku zaštitu Općine. Ove školske godine

stipendije će biti dodijeljene za 38 učenika i studenata, djece bez oba roditelja.

U svom obraćanju, Općinski načelnik dr. Hasan Tanović istakao je da su sredstva za ove namjene planirana u budžetu za ovu godinu, te da će se ova praksa nastaviti i u narednom periodu jer ova djeca to zaslužuju.

Pored stipendija za djecu bez oba roditelja i ove godine Općina je obezbijedila stipendije za 698 redovnih učenika i studenata sa područja općine Novo Sarajevo, za šta je u Budžetu Općine izdvojeno oko 619.000 KM. Stipendije djeci bez oba roditelja se dodjeljuju za period od 12 mjeseci za školsku 2020/2021. godinu, a za ove namjene Općina je izdvojila sredstva u iznosu od 45.600 KM.

Općinski načelnik potom je obišao stalnu muzejsku postavku u Memorijalnom centru posvećenu ratnim vojnim jedinicama iz perioda 1992. – 1995. sa područja općine Novo Sarajevo.

Informativni bilten Općine Novo Sarajevo

UPRILIČENA VIRTUALNA PREZENTACIJA MEMORIJALNE POSTAVKE “ZNAČAJNI DATUMI OPĆINE NOVO SARAJEVO, 5. APRIL I 16. MAJ 1992. GODINE“



U Memorijalnom centru Novo Sarajevo 20. maja ove godine upriličena je implementacija memorijalne postavke na temu “Značajni datumi Općine Novo Sarajevo, 5. april i 16. maj 1992. godine u pripremi Historijskog muzeja Bosne i Hercegovine.

Radi se o projektu iz istraživačko – muzeološke domene kojeg je podržala Općina Novo Sarajevo u okviru obilježavanja značajnih datuma Općine, a virtualna prezentacija o odbrani Centra za obrazovanje kadrova RMUP-a BiH i slavnoj Pofaličkoj bitki, upriličena je u povodu obilježavanja 16. maja – Dana Općine Novo Sarajevo.

Prezentaciji su prisustvovali, pored direktorice i predstavnika Historijskog muzeja BiH i Općinski načelnik dr. Hasan Tanović sa saradnicima, te predstavnici Koordinacije boračkih udruženja Općine Novo Sarajevo.

U svom obraćanju direktorica Historijskog muzeja BiH Elma Hašimbegović uputila je Općinskom načelniku, prisutnim predstavnicima boračkih udruženja i svim građanima čestitke povodom Dana Općine Novo Sarajevo, te izrazila svoje zadovoljstvo što je Općina i u ovoj krizi izazvanoj pandemijom korona virusa, a kojom su institucije kulture najviše pogođene, prepoznala važnost i pružila podršku muzeju. Direktorica Hašimbegović, također je navela da su ovakvi i slični projekti važni kako za Historijski muzej čiji se uposlenici, kustosi i historičari, bave istraživačko – muzeološkim aktivnostima, tako i za Općinu Novo Sarajevo i Sarajevo budući da se radi o iznošenju činjenica o ključnim dešavanjima i bitkama za odbranu grada i države tokom agresije 1992. godine.

Ovaj projekat se realizovao u dvije faze, prva faza je predstavljala istraživački dio historičara, kustosa, prikupljanje građe, mapiranja, digitalizacije građe i slično, dok je druga faza predstavlja produkciju izložbe.

UČENICIMA NOVOSARAJEVSKIH OSNOVNIH ŠKOLA URUČENE DIPLOME ZA NAJBOLJE LITERARNE I LIKOVNE RADOVE POVODOM DANA OPĆINE

Općina Novo Sarajevo je povodom obilježavanja 16. maja – Dana Općine organizovala takmičenje učenika novosarajevskih osnovnih škola od IV do VII razreda na temu “Rođendan moje Općine Novo Sarajevo“. Ukupno je 37 učenika iz šest osnovnih škola (OŠ “Grbavica 1“, OŠ „Grbavica 2“, OŠ “Hrasno“, OŠ “Kovačići“, OŠ “Pofalići“ i OŠ “Velešićki heroji“) uzelo učešće u ovom takmičenju. Svi su blagovremeno dostavili svoje likovne i literarne radove, a Komisija koju je imenovao organizacioni odbor je odabrala šest najboljih radova, tri likovna i tri literarna rada.

Prvoplasiranim učenicima Općinski načelnik dr. Hasan Tanović i predsjedavajući Općinskog vijeća Novo Sarajevo Robert Pleše uručili su diplome, a obezbijedene su i novčane nagrade. Svim ostalim učesnicima dodijelit će se zahvalnice u njihovim školama.

Najbolje ocijenjeni literarni radovi su:

I mjesto Adian Beha “Grbavica 1“

II mjesto Arslan Omerović O.Š. “Pofalići“

III mjesto Amina Čustović O.Š. “Velešićki heroji“

Najbolje ocijenjeni likovni radovi su:

I mjesto Arslan Omerović O.Š. “Pofalići“

II mjesto Larisa Muslić O.Š. “Pofalići“

III mjesto Lamija Zejnelagić O.Š. “Hrasno“

Pred sami kraj dodjele diploma Adian Beha, učenik OŠ „Grbavica I“, pročitao je svoju pjesmu koja je ocijenjena kao najbolji literarni rad.

Informativni bilten Općine Novo Sarajevo

KREATIVNO – SPORTSKIM AKTIVNOSTIMA NAJMLADI SUGRAĐANI OBILJEŽILI DAN OPĆINE – 16. MAJ

U Međunarodnom centru za djecu i omladinu Novo Sarajevo u subotu, 15. maja ove godine za najmađe sugrađane upriličene su kreativno – sportske aktivnosti i radionice u povodu obilježavanja Dana Općine Novo Sarajevo.

Tim povodom, polaznici kreativne radionice izrađivali su vjetrenjače kao poklon Općini za njen rođendan.

Održan je i tradicionalni šahovski turnir u organizaciji OŠK “Junior”, a učesnici, članovi kluba takmičili su se u dvije grupe sa po osam takmičara. Nakon uspješne igre, prva tri mjesta po kategorijama osvojili su slijedeći takmičari:



- Sarija grupa: 1. Radača Nasir, 2. Odžak Tarik 3. Hadžiabdić Nađa

- Mlađa grupa, djecaci: 1. Lendo Vedad, 2. Selimović Afan, 3. Buzak Toni

- Djevojčice: prvo mjesto dijele: Zorabdić Uma i Zeko Julija, 3. Marić Marina

Na vještačkoj stijeni u Međunarodnom centru za djecu i omladinu upriličena je radionica penjanja u organizaciji Gorske službe spašavanja Sarajevo.

Današnjim radionicama prisustvovao je i Općinski načelnik dr. Hasan Tanović, te zajedno sa namlađim sugrađanima obilježio ovaj značajni datum za Općinu Novo Sarajevo, Dan Općine – 16. maj.



Informativni bilten Općine Novo Sarajevo

U POVODU RAMAZANSKOG BAJRAMA PODIJELJENI PREHRAMBENI PAKETI ZA SOCIJALNO UGROŽENE PORODICE

Predstavništvo humanitarne organizacije „AHMEDIYYA – MUSLIM –JAMAAT IN DER BUNDESREPUBLIK DEUTSCHLAND e.V.“ u Bosni i Hercegovini za predstojeći ramazanski Bajram doniralo je oko 100 prehrambenih paketa za porodice u stanju socijalne potrebe i raseljena lica s područja Općine Novo Sarajevo.

Tim povodom, načelnik Općine Novo Sarajevo dr. Hasan Tanović i predstavnici ove humanitarne organizacije u ponedjeljak 10. maja ove godine u zgradi Općine upriličili su podjelu prehrambenih paketa za 100 socijalno ugroženih porodica, sa ciljem za predstojeće praznike pomoć stigne onim kojima je najpotrebnija, te time im uljepša Bajramske blagdane.



POTPISAN UGOVOR O SARADNJI U CILJU PODRŠKE IZRADI GENERALNOG PLANA OBNOVE KAMPUSA UNIVERZITETA U SARAJEVU

U Međunarodnom centru za djecu i omladinu Novo Sarajevo u utorak, 25. maja ove godine potpisan je Ugovor o saradnji između Kantona Sarajevo, Univerziteta u Sarajevu i Evropske investicijske banke (EIB), u svrhu podrške izradi generalnog plana obnove kampusa Univerziteta u Sarajevu.

Ugovor su potpisali predstavnica Evropske investicijske banke Sandrine Friscia, rektor Univerziteta u Sarajevu Rifat Škrijelj i premijer Kantona Sarajevo Edin Forto.

Bespovratna sredstva u iznosu od 500.000 eura dodjeljuju se u okviru Inicijative za finansiranje urbanih projekata (UPFI), u saradnji s Francuskom razvojnom bankom AFD-om i uz finansiranje putem Inicijative EIB-a za ekonomsku otpornost (ERI). Time će se omogućiti izrada generalnog plana i studije izvodljivosti za integraciju različitih obrazovnih i naučno-istraživačkih jedinica Univerziteta u Sarajevu u jedan objedinjen Kampus.

Prisutnim gostima, predstavnicima Delegacije Evropske unije u BiH, Evropske investicijske banke, predstavnicima Vlade Kantona Sarajevo i Univerziteta u Sarajevu na samom početku obratio se i načelnik Općine Novo Sarajevo dr. Hasan Tanović, ističući važnost ovog projekta koji zasigurno predstavlja jednu od većih urbanih regeneracija u Sarajevu.

– Intenziviranjem saradnje sa Univerzitetom u Sarajevu naročitu pažnju posvetili smo upravo realizaciji kapitalne investicije koja se odnosi na izgradnju Univerzitetske biblioteke, te uređenja prostora u Kampusu koji će biti u funkciji primarnih nastavnih i naučno-istraživačkih potreba Univerziteta. Ovaj prostor će biti ujedno i na raspolaganju građanima i građankama Općine Novo Sarajevo, kao uređeni prostor sa sadržajima koji će unaprijediti opći standard života lokalne zajednice, istakao je načelnik Tanović, te dodao da će Općina Novo Sarajevo pružiti punu podršku i dati na raspolaganje sve svoje kapacitete u izradi detaljnog planskog dokumenta koji je osnov za sve dalje aktivnosti.

Strategija koja će se razviti uz tehničku pomoću ERI-a sastojat će se od obnove nekadašnje kasarne u centru Sarajeva, uz izgradnju fakulteta, instituta, drugih objekata te prateće infrastrukture, što će rezultirati stvaranjem visokokvalitetnog prostora kampusa. Time će se osigurati bolji objekti za studente i akademsko osoblje, kao i efektivna saradnja fakulteta, akademija i istraživačkih instituta.

Informativni bilten Općine Novo Sarajevo

Sandrine Friscia, predstavnik Evropske investicijske banke (EIB) istakla je da EIB sa zadovoljstvom podržava ovu dodjelu sredstava za pripremu budućeg projekta koji je ključan za unapređenje obrazovnih prilika za ljude u Bosni i Hercegovini.

– Nadamo se da će ova investicija Univerzitetu u Sarajevu, koji je najveća i najstarija institucija tercijarnog obrazovanja u Bosni i Hercegovini, omogućiti još veći utjecaj na razvoj države obrazovanjem generacija studenata u novim integriranim i dobro opremljenim obrazovnim objektima. Inicijativom EIB-a za ekonomsku otpornost podržavamo projekte visokog učinka koji potiču rast i zapošljavanje te povećavaju otpornost, a ovaj će projekt unaprijediti kvalitet i povećati efektivnost obrazovnih procesa i iskustava, čak i u vrijeme hitnih situacija, kao što je pandemija bolesti COVID-19.”

Edin Forto, premijer Kantona Sarajevo u svom obraćanju istakao je kako se konačno pokreće jedan od najvećih razvojnih projekata u Sarajevu.

– Nakon više od dvije decenije vizija modernog kampusa kao centra obrazovanja i napretka postaje stvarnost. Taj projekt prevazilazi sve političke interese i interese pojedinaca. Naše društvo mora imati temelj u znanju, a bez čvrstih, dobro planiranih i hrabrih investicija, ta vizija ne bi bila moguća. U ime svih ljudi kojima je ovo bio san, zajedničkim snagama napredujemo prema cilju ispunjavanja naših obaveza prema budućim generacijama.”

Projekt urbane obnove kampusa Univerziteta u Sarajevu, koji će se razviti i implementirati uz pomoć sredstava EIB-a, od ključne je važnosti za budući razvoj tog kompleksa koji pripada Univerzitetu u Sarajevu, izjavio je rektor Univerziteta u Sarajevu Rifat Škrijelj.

– S obzirom na trenutne probleme povezane sa sve lošijim upravljanjem razvojem urbane sredine, važnost ovog projekta još je veća jer Univerzitetu u Sarajevu pruža priliku da u gradu Sarajevu razvije centralni urbani prostor u skladu s modernim evropskim standardima. Osim toga, ovaj projekt treba smatrati preduslovom za razvoj novog regulacionog plana za to područje općine Novo Sarajevo, pri čemu će Univerzitet u Sarajevu imati priliku razviti planove za kapitalne investicije u kampus kao centralno mjesto budućeg razvoja Univerziteta u Sarajevu. Zahvaljujući ovom projektu, ljudi iz Sarajeva i Bosne i Hercegovine moći će uživati u lijepom dijelu glavnog grada, izgrađenom uz uvažavanje zaštite okoliša i prikladnom za obrazovanje i istraživanje, što je, naravno, osnovna misija Univerziteta, istakao je rektor Škrijelj.

Richard Masa, šef Odjela za saradnju Delegacije EU u BiH čestitao je Kantonu Sarajevo, Univerzitetu u Sarajevu i EIB-u na ovoj inicijativi, koja svakako može dati inspiraciju i nadu za budućnost posebno kada je u pitanju motiviranje najboljih i najpametnijih da ostanu ili se vrate u BiH da bi poticali promjene.

– Obrazovanje predstavlja strateško ulaganje u budućnost, zato pridajemo veliku važnost podržavanju mladih investiranjem u njihovo obrazovanje i razvoj vještina. EU trenutno, osim putem inicijativa kao što je ova koja je danas objavljena, također putem projekta vrijednog 2,6 miliona eura pomaže vlastima u BiH da bolje prilagode sisteme obrazovanja i obuke potrebama tržišta rada, istakao je Masa.



Informativni bilten Općine Novo Sarajevo

OPĆINA NOVO SARAJEVO U SARADNJI SA INSTITUTOM ZA RAZVOJ MLADIH – KULT PRISTUPILA IZRADI STRATEGIJE PREMA MLADIMA OPĆINE ZA PERIOD 2022. – 2026. GODINA



Općina Novo Sarajevo u saradnji sa Udruženjem „Institut za razvoj mladih – KULT“ pokreće aktivnosti na izradi okvirnog strateškog dokumenta za mlade, Strategije prema mladima Općine Novo Sarajevo za period 2022. – 2026. godina.

Tim povodom, Općinski načelnik dr. Hasan Tanović i izvršna direktorica Udruženja „Institut za razvoj mladih – KULT“ Šeherzada Halimić potpisali su Ugovor o saradnji pri izradi strateškog dokumenta za mlade.

Potpisivanju ugovora prisustvovali su i predstavnici Vijeća mladih Općine Novo Sarajevo, koji će usko sarađivati na izradi dokumenta, uz smislu provođenja

istraživanja na terenu, te učešće članova Vijeća u radnim grupama Općine, zajedno sa Komisijom za pitanja mladih Općinskog vijeća.

Općinski načelnik dr. Tanović istakao je da će se izradom ovog dokumenta doprinijeti efikasnijem upravljanju politike prema mladima na nivu Općine Novo Sarajevo, kao i da će Strategija sadržavati sveobuhvatan pristup izgradnji socijalnih, ekonomskih, obrazovnih, kulturnih i drugih uslova za trajnu dobrobit mladih i njihovo aktivno i odgovorno sudjelovanje u društvenoj zajednici.

SARADNJA OPĆINE NOVO SARAJEVO I FAKULTETA ZA KRIMINALISTIKU, KRIMINOLOGIJU I SIGURNOSNE STUDIJE U OBLASTI ZAŠTITE I SPAŠAVANJA

U prostorijama Fakulteta za kriminalistiku, kriminologiju i sigurnosne studije u utorak, 11. maja načelnik Općine Novo Sarajevo dr. Hasan Tanović i dekan prof. dr. Jasmin Ahić potpisali su Memorandum o saradnji i partnerstvu u oblasti zaštite i spašavanja.

Radi se o partnerstvu Općine Novo Sarajevo i Fakulteta za kriminalistiku, kriminologiju i sigurnosne studije sa ciljem jačanja kapaciteta i podizanja nivoa prevencije, spremnosti i odgovora Općine u oblasti zaštite i spašavanja, sa posebnim akcentom na učešće studenata ovog fakulteta u sistemu zaštite i spašavanja. Ovom prilikom, dekan prof.dr. Jasmin Ahić istakao je kako će u ovaj projekat za početak biti uključeno više od 200 studenata ovog fakulteta, a koji će, između ostalog, svoju praksu vršiti u službama koje se nalaze u sistemu spašavanja u okviru Štaba civilne zaštite Općine.

Općinski načelnik dr. Tanović istakao je kako je Općina proteklih mjeseci otkočila razne procese koji su bili blokirani, kao što je proces izgradnje Univerzitetske biblioteke koju će zasigurno koristiti i studenti ovog fakulteta, a današnji memorandum predstavlja još jedan korak ka unapređenju stanja u oblasti zaštite i spašavanja u ovoj lokalnoj zajednici.

– Civilna zaštita Općine spremna je obezbijediti adekvatnu praksu studentima, imajući u vidu da su članovi Štaba civilne zaštite potpuno novi, odnosno da prvi put tu sjede ljudi iz struke, a struka mora biti prva u svakom procesu pa tako i u oblasti zaštite i spašavanja, istakao je načelnik dr. Tanović.



Informativni bilten Općine Novo Sarajevo

OPĆINA NOVO SARAJEVO I OVE GODINE PODRŽALA RAD RODITELJSKE KUĆE

Općina Novo Sarajevo od njenog osnivanja podržava Roditeljsku kuću, a ove godine u cilju stvaranja što boljih uvjeta i ugodnijeg okruženja za oboljelu djecu koja su smještena u ovom objektu Općina je obezbijedila 15.000 KM, što je do sada najveći iznos za ove namjene.

Tim povodom u srijedu 19. maja ove godine Općinski načelnik dr. Hasan Tanović i direktor Udruženja „Srce za djecu oboljelu od raka“ Fikret Kubat potpisali su Ugovor za podršku Roditeljskoj kući.

Radi se o kontinuiranoj podršci Općine Novo Sarajevo ovom Udruženju koji rukovodi Roditeljskom kućom, a sredstva su namijenjena finansiranju dijela troškova korisnika Roditeljske kuće i to za nabavku opreme za apartmane, nabavku sredstava za higijenu i dezinfekciju objekta, kao i za nabavku prehrane i lične higijene korisnika Roditeljske kuće, te za plaćanje režijskih troškova.



NAČELNIK OPĆINE NOVO SARAJEVO DR. HASAN TANOVIĆ POSJETIO VETERINARSKI FAKULTET

Općinski načelnik dr. Hasan Tanović i dekan Veterinarskog fakulteta prof. dr. Muhamed Smajlović razgovarali su o radu i aktivnostima ove visokoškolske ustanove, kao i o zajedničkim projektima u narednom periodu. Dogovorena je saradnja i podrška u realizaciji određenih projekata.

Veterinarski fakultet Univerziteta u Sarajevu baštini tradiciju uspješnog rada i razvoja oko 70 godina. Između ostalog, aktivni su sudionici u unapređenju zdravlja i dobrobiti ljudi i životinja, kao i razvoja bh. ekonomije.

Profesori Veterinarskog fakulteta u Sarajevu su među prvima u regionu uspjeli izolovati autohtoni soj SARS-CoV-2 virusa, kao i nekoliko njegovih mutacija. Veterinarski fakultet još od 2012. godine ima akreditiranu laboratoriju, odnosno referentnu laboratoriju za dokaze virusa ptičja gripa.

Pripremaju se za ovogodišnju devetu generalnu skupštine REEV MeD planiranu za 3. juni 2021. godine. Iako je online Skupština, prisustvo je potvrdilo 40 učesnika iz Albanije, Alžira, Bosne i Hercegovine, Egipta, Francuske, Grčke, Italije, Jordana, Libije, Maroka, Sjeverne Makedonije, Slovenije, Španije i Tunisa.

REEV Med je mreža veterinarskih visokoškolskih ustanova država Mediterana pod pokroviteljstvom Međunarodne organizacije za zdravlje životinja (OIE) i podržana od strane Europske asocijacije ustanova za veterinarsku edukaciju.

Informativni bilten Općine Novo Sarajevo

U ŠKOLI ZA SREDNJE STRUČNO OBRAZOVANJE I RADNO OSPOSOBLJAVANJE SARAJEVO OTVOREN LOGOPEDSKI KABINET SA SAVREMENOM OPREMOM



U Školi za srednje stručno obrazovanje i radno osposobljavanje Sarajevo u srijedu, 26. maja ove godine upriličeno je svečano otvaranje logopedskog kabineta.

Radi se o vrijednoj donaciji organizacije Humanity First International u cilju ostvarivanja kvalitetnijih uslova rada za učenike i učenice ove škole.

Otvaranju logopedskog kabineta prisustvovali su i predstavnici Općine Novo Sarajevo, te Ministarstva za odgoj i obrazovanje Kantona Sarajevo.

Sa ciljem pružanja podrške stručnom edukovanju i osposobljavanju mladih sa poteškoćama u razvoju Općina je u okviru Integrirane strategije razvoja prepoznala projekat uspostave savremenog kabineta za asistivnu tehnologiju i senzornu integraciju za djecu sa poteškoćama u razvoju, kao jedan od prioriteta u narednom periodu.

Ova srednja škola, koja je smještena na području Općine Novo Sarajevo, obrazuje i radno osposobljava mlade sa poteškoćama u razvoju u dobi od 15 do 22 godine, sa lakim i umjerenim intelektualnim teškoćama na smijerovima: kuhar, moler, knjigovezac, operator za unos podataka, pomoćni dekorater i cvjećar.

Budući da je ovo jedina obrazovna ustanova sa srednje obrazovanje i radno osposobljavanje djece sa poteškoćama u Kantonu Sarajevo, ovu školu pohađaju učenici iz cijelog sarajevskog Kantona, ali i iz drugih kantona FBiH.

NAČELNIK OPĆINE NOVO SARAJEVO DR. HASAN TANOVIĆ POSJETIO OŠ „GRBAVICA I”



Na poziv i inicijativu učenika i učenica OŠ „Grbavica I“ načelnik Općine Novo Sarajevo dr. Hasan Tanović u petak, 7. maja ove godine posjetio je prostorije ove novosarajevske osnovne škole.

Tom prilikom, učenici su pripremili simboličnu dobrodošlicu načelniku Tanoviću, te mu zahvalili na tome što je podržao akciju brige za okoliš i prirodu koju provodi ova škola.

Učenici su podsjetili prisutne na dječija prava i potrebe koje su u određenim dijelovima Općine Novo Sarajevo bile zanemarene, a sve sa ciljem da se zajedničkim naporima iste unaprijede.

– Sigurni smo da ćete u svom radu i djelovanju biti posvećeni zaštiti i unapređenju dječijih prava. Za naš neometan rast i razvoj potrebne su nam sigurnije ulice, bolje uređenje parkova, vrtića i škola, čistije ulice, postavljanje rasvjete, kao i uređenje igrališta sa više sadržaja za kvalitetno provođenje slobodnog vremena, poručili su učenici ove škole Općinskom načelniku.

Informativni bilten Općine Novo Sarajevo

Općina Novo Sarajevo je lokalna zajednica koje će zasigurno u narednom periodu u okviru svojih aktivnosti i projekata posebnu pažnju posvetiti unapređenju životnog okruženja za djecu i mlade, istakao je načelnik Tanović, te poručio učenicima da budu dobri i primjerni u školi, da dobro uče i slušaju svoje roditelje, jer će na taj način doprinijeti da ova Općina bude Općina obrazovanih i primjernih građana.

Općina Novo Sarajevo je obezbijedila i određenu količinu zaštitnih sredstava (dezinfekciona sredstva, zaštitne maske, rukavice, viziri, maske FFP2) za potrebe 18 predškolskih, osnovnih i srednjih ustanova, među kojima je i OŠ „Grbavica I“, budući da zaposleni u obrazovanju i učenici u učionicama moraju biti u prostoru koji je dezinficiran, a pri tome, moraju poštovati sve date epidemiološke mjere.

Učenici OŠ „Grbavica I“ iskoristili su ovu priliku te čestitali načelniku i svim građanima 16. maj – Dan Općine Novo Sarajevo, recitujući i čitajući svoje literarne radove posvećene rođendanu Općine Novo Sarajevo.

OPĆINA NOVO SARAJEVO I OVE GODINE PODRŽALA RAD KULTURNO – UMJETNIČKOG DRUŠTVA „LOLA“

Načelnik Općine Novo Sarajevo dr. Hasan Tanović i predsjednik Upravnog odbora Kulturno-umjetničkog društva „Lola“ Midhat Karović potpisali su Ugovor o realizaciji sredstava za 2021. godinu.

Kulturno-umjetničko društvo „Lola“ više od 70 godina okuplja veliki broj mladih talentovanih članova koji rade na očuvanju kulturne baštine i promocije države Bosne i Hercegovine, te općine u regionu i inostranstvu.

Sredstva u iznosu od 15.000 KM za KUD „Lola“ obezbijedena su na osnovu Odluke o utvrđivanju javnog interesa u afirmaciji amaterskog sporta i očuvanju kulturno umjetničke tradicije od značaja za Općinu Novo Sarajevo.



OPĆINA NOVO SARAJEVO PODRŽALA IZRADU XI TOMA ENCIKLOPEDIJSKOG RJEČNIKA BOSANSKOG JEZIKA AUTORA AKADEMIKA DŽEVADA JAHIĆA



Općina Novo Sarajevo je podržala realizaciju projekta „Izrade XI toma enciklopedijskog Rječnika bosanskog jezika autora akademika Dževada Jahića“ kojeg realizuje Udruženje „Vijeće kongresa bošnjačkih intelektualaca“.

Tim povodom, Općinski načelnik dr. Hasan Tanović i predsjednik Udruženja prof. Nedžad Mulabegović potpisali su Sporazum o pružanju finansijske podrške u iznosu od 10.000 KM, budući da se radi o kapitalnom leksikografskom poduhvatu koji se provodi već 20 godina, a koji bi se u konačnici trebao sastojati od najmanje XVI tomova. Za izradu, tehničku obradu i štampu jednog toma neophodno je oko 76.000 KM.

Prof. Mulabegović iskoristio je priliku, te upoznao Općinskog načelnika sa radom Vijeće kongresa bošnjačkih intelektualaca i ciljevima za naredni period, ističući kako jedan od najvećih problema predstavlja nerazumijevanje nadležnih institucija o važnosti projekata koje provodi ovo Vijeće za državu BiH, pa i kada je u pitanju izrada ovog Rječnika od nacionalnog značaja.

Informativni bilten Općine Novo Sarajevo

OBILJEŽENA 29. GODIŠNJICA PRVOG MASAKRA NAD SARAJLIJAMA



Polaganjem cvijeća na spomen-obilježju u sarajevskoj ulici Ferhadiji, obilježena je 29. godišnjica prvog masakra nad Sarajlijama.

Na tom mjestu je prije 29 godina ubijeno 26, a teže i lakše ranjeno 108 građana od rasprskavajućeg dejstva minobacačke granate ispaljene s agresorskog položaja na Trebeviću.

Nakon intoniranja himne, okupljeni predstavnici lokalnih vlasti, porodice žrtava, preživjeli i drugi brojni građani, uz učenje Fatihe i minutu šutnje, odali su počast žrtvama koje su poginule čekajući u redu za hljeb. Odavanju počasti prisustvovala su brojne delegacije među kojima je i delegacija

Općine Novo Sarajevo koju je predvodio općinski načelnik dr. Hasan Tanović i predsjedavajući Općinskog vijeća Robert Pleše.

Tog kobnog 27. maja od rasprskavajućeg dejstva minobacačke granate ubijeni su: Nedžad Abdija, Ismet Aščerić, Ruždija Bektešević, Snježana Biloš, Predrag Bogdanović, Vladimir Bogunović, Vasva Čengić, Gordana Čeklić, Mirsad Fazlagić, Emina Karamustafić, Mediha Omerović, Bahrija Pilav, Mila Ruždić, Mile Ružić, Abdulah Sarajlić, Sulejman Sarajlić, Hatidža Salić, Galib Sinotić, Sreten Stamenović, Srećko Šiklić, Božica Trajeri-Pataki, Vlatko Tanacković, Srećko Tanasković, Tamara Vejzagić-Kostić, Jusuf Vladović i Izudin Zukić.

POLAGANJEM CVIJEĆA NA SPOMEN OBILJEŽJU VJEČNA VATRA I SPOMEN PARKU VRACA OBILJEŽEN 9. MAJ – DAN POBJEDE NAD FAŠIZMOM I DAN EVROPE



Polaganjem cvijeća i odavnjem počasti na Spomen obilježju Vječna vatra i Spomen parku Vraca obilježen je 9. maj – Dan pobjede nad fašizmom i Dan Evrope.

Cvijeće su položile delegacije Predsjedništva Bosne i Hercegovine, Parlamentarne Skupštine BiH, Federacije BiH, Grada Sarajevo, općina s područja KS, među kojima je i delegacija Općine Novo Sarajevo koju je predvodio Općinski načelnik dr. Hasan Tanović.

Dan Evrope obilježava se kao dan sjećanja na deklaraciju francuskoga ministra vanjskih poslova Roberta

Schumana, jednog od pokretača europske integracije, iz 1950. godine, koja se smatra prvim službenim korakom u nastanku EU s idejom o novom obliku političke suradnje u Evropi koja bi rat između europskih nacija učinila nezamislivim i nemogućim.

U okviru manifestacije „Dani Kantona Sarajevo“ danas je obilježen i Dan „Zlatnih ljiljana“, povodom čega je položeno cvijeće i odata počast šehidima i poginulim borcima na Šehidskom mezarju „Kovači“, Spomen obilježju „Vječna vatra“, te groblju Lav, Stadion i Sveti Josip i Sveti Marko.

Informativni bilten Općine Novo Sarajevo

U OKVIRU DANA KANTONA SARAJEVO OBILJEŽEN 5. MAJ – DAN SJEĆANJA NA UBIJENU DJECU OPKOLJENOG SARAJEVA U PERIODU 1992-1995

U povodu obilježavanja Dana Kantona Sarajevo (2. – 9. maj 2021. godine) u srijedu, 5. maja obilježen je Dan sjećanja na ubijenu djecu opkoljenog Sarajeva u periodu 1992-1995. Tim povodom, zajedno sa delegacijom Skupštine i Vlade Kantona Sarajevo, te predstavnicima Udruženja roditelja ubijene djece opkoljenog Sarajeva cvijeće su na Spomen obilježje ubijenoj djeci opkoljenog Sarajeva položile i brojne delegacije državnih, federalnih i općinskih vlasti, među kojima je i delegacija Općine Novo Sarajevo koju je predvodio Općinski načelnik dr. Hasan Tanović.



Međunarodno humanitarno pravo je štiti djecu od bilo kakvog napada, kako u miru tako i u uslovima rata. U glavnom gradu Bosni i Hercegovini tokom proteklog rata ubijeno je 1.600 djece, a ranjeno više od 14.000.

OBILJEŽENA 29. OBLJETNICA UTEMELJENJA BRIGADE HRVATSKOG VIJEĆA OBRANE “KRALJ TVRTKO”

Polaganjem vijenaca na Rimokatoličkom groblju sv. Jospi kod Križa obilježena je 29. Obljetnica utemeljenja brigade hrvatskog vijeća obrane “Kralj Tvrtko” Sarajevo.

Svim poginulim i preminulim braniteljima HVO-a počast su odali pripadnici Koordinacije udruga Hrvatskog vijeća odbrane Grada – Kantona Sarajevo zajedno sa delegacijom Općine Novo Sarajevo koju je predvodio Općinski načelnik dr. Hasan Tanović, te predstavnici Udruge obitelji poginulih HVO-a Sarajevo i Udruge Nositelja odličja HVO-a Kantona Sarajevo.



Informativni bilten Općine Novo Sarajevo

OBILJEŽEN DAN MJESNE ZAJEDNICE „DOLAC“



Polaganjem cvijeća na Spomen – obilježje šehidima i poginulim borcima Malta, obilježen je Dan mjesne zajednice „Dolac“.

Učenjem Fatihe i minutom šutnje počast šehidima i poginulim borcima ovog mjesnog područja odali su članovi Savjeta mjesne zajednice Dolac zajedno sa delegacijom Općine Novo Sarajevo koju su predvodili Općinski načelnik dr. Hasan Tanović i predsjedavajući Općinskog vijeća Robert Pleše.

Obilježavanje ovog značajnog datuma održano je uz poštivanje svih higijensko-epidemioloških mjera.

OBILJEŽEN DAN MZ „ŽELJEZNIČKA“

Polaganjem cvijeća i odavanjem počasti šehidima i poginulim borcima na Spomen – obilježju Malta u ponedjeljak, 11. maja ove godine obilježen je Dan MZ „Željeznička“.

Delegacija Općine Novo Sarajevo koju je predvodio načelnik Općine dr. Hasan Tanović, zajedno sa predstavnicima Savjeta ove mjesne zajednice, položili su cvijeće, te učenjem Fatihe i minutom šutnje odali počast svim šehidima i palim borcima ovog mjesnog područja.

Polaganje cvijeća i obilježavanje Dana mjesne zajednice proteklo je uz poštivanje svih epidemioloških mjera.



OBILJEŽEN DAN MZ „ČENGIĆ VILA II“



Dan mjesne zajednice „Čengić Vila II“ obilježen je 25. maja 2021. godine.

Tim povodom, načelnik Općine Novo Sarajevo dr. Hasan Tanović zajedno sa predstavnicima Savjeta MZ i građanima odao je počast i položio cvijeće na spomen – obilježju „Čengić Vila“, zatim na spomen obilježju civilnim žrtvama rata i spomen – panou šehidima i poginulim borcima u prostorijama Mjesne zajednice „Čengić Vila II“.



Općina Novo Sarajevo

Sarajevo, 01. 06. 2021. godine

72. izdanje



**Bosna i Hercegovina
Federacija BiH
Kanton Sarajevo
Općina Novo Sarajevo**

Izdavač: Općina Novo Sarajevo

tel: +387 33 492 100

Fax: +387 33 644 559

Press: tel: +387 33 492 275/6

Fax: +387 33 492 342

E-mail: novosarajevo@novosarajevo.ba

press@novosarajevo.ba

www.novosarajevo.ba

UREĐIVAČKI TIM: *Mirela Mandal, Elvira Zahiragić, Sunčica Zuban*

FOTOGRAFIJE: *Želimir Kozić*

DTP: *Odsjek za informisanje, odnose s javnošću i protokolarne poslove*